

CAPVT II.

De Cetis in specie.

ARTICVLVS I.

De Balaena.

TAB. XLI. **E**t haec de Cetis in genere sufficiant,
 TAB. XLII. in specie jam de iisdem agetur. Numerantur autem inter eos, *Balaena*, *Balaena vulgi*, *Physeter*, *Pristis*, *Orca*, *Delphinus*, *Phocaena*, *Scolopendra*, *vitulus marinus*, et *Manati Indorum*.

Vossius de **BALAENA**, Graecis *φαλαίνα*, vel
 Idol. l. 4. *παρά τὸ βάλαν*, id est emittere, quod
 4.32. maris aquas per fistulas emittat, vel
 Plin. H. N. a *βάλαν* quo vocabulo Graeci meatum
 4.9. c. 3. in galeis militaribus, cui plumas inferebant, indigitant, vel a Chaldaeo *בלל*, quod et devorare dicitur. Ingentis est magnitudinis. Visa in Indico mari, quaternum iugerum, seu nongentorum sexaginta pedum longitudine. Centum et quinquaginta cubitos obtinebat, quem Nearchus eiectionem vidit. Describitur a Bellonio, Rondeletio, et Aldrovando. De suo scribit Bellonius, adipem ejus velut oleum non concrefcere: pinnas habere utrinque unam et tertiam in dorso, qua totum corpus dirigit. Caudam lunatam, Corium nigrum, cui pinguedo pedis altitudine subfit, laridum quadragesimale appellant. Lingua eidem aliquot librarum pond. Ante oculos praetenturae, seu tenues quaedam affulae, quatuor ulnas longae, ac sesquipedem latae, longissimis villis praeditae, quibus iter praetentat. Offa tam magna, ut postes ex iis fieri soleant. Rondeletius suae parvam linguam, et quae quatuor duntaxat vel quinque vasa falsamentaria habeat, adscribit. Aliibi, penem se unius vidisse, qui a pro-cero homine humeris deportatus terram contingeret, scribit. In ejus quam Gesnerus describit ventriculo tria dolia crudorum pisculorum, inter quos salmo unius ulnae longitudine, inventa sunt. Pelle nigro undique tegebatur, nisi quod maculae duae candidae, utrinque supra medium oculi inciperent, et retro ten-

derent. Tota maxilla inferior erat candida, et pars quaedam sub ventre. Plura apud Gesnerum vide. Aldrovandi prior colore erat subcaeruleo, tota maculis nigricantibus confersa, ventre candido. Altera, quam Bufalinam vocat, tota nigricabat. Capta erat An. M. D. LXXVII. in Scaldi decem ab Antverpia milliari-bus monstrosa, quam Pareus descripsit. Longitudo ejus erat pedum octo et quinquaginta, altitudo sexdecim. Cauda quatuordecim pedes lata, ab oculo ad extremum rostrum intervallum sexdecim pedum, Maxilla inferior senum in singulis lateribus pedum erat, viginti quinque dentibus armata, qui totidem foraminibus in superiore dentibus omnino carente excavatis, recondi poterant. Tot dentium longissimus sex pollices non excedebat. *Locus* ipse procul a terra ubicunque degit. Plurimas autem circa Islandiam, Gronlandiam, et vicina Septentrioni loca, a Biscainis, Anglis, Hollandis, circa aestivum inprimis solstitium, quo tempore sinus recessusque maris pacatiores quaerunt, capiuntur. In Taprobanae mari Thunnis insidiari, apud Aelianum legimus: in Gaditano Oceano non ante brumam conspici: statis temporibus in quodam sinu placido et capaci, mire gaudentes ibi parere, condi, Plinius prodidit. *Videtur* ipsis pisces, visus qui quadraginta asellos devoraverat, eosque adhuc recentes, quos oculatus testis dissectos et sale conditos ad solem ficcavit. Sunt qui comedere mastigando negent: pisces deglutire integros, eosque minutos, quod interna gutturis membrana nil magnum ingredi sinat, dicunt. Quidam carne vesci negant, quod in captae visceribus praeter mucum et spumam nihil reperitur. Pisciculum Lodel venatoribus dictum, si copiose voravit inobviatur quasi, et in furorem

Schonfeld.
in Ichthyol.

Aelian. H.
A. l. 16. c. 18.

Plin. H. N.
4.9. c. 6.

Schonfeld.
in Ichthyol.